

Tumau Malosi i Taimi o le Faafeagai

Liliuese i Katelani: O le Manaomia ona Mulimuli ma le Faamaoni i Taitai o le Ekalesia

I le 1837, na aafia ai le Au Paia i Katelani, Ohaio, ini faafitauli i mea tautupe. Ina ia fesoasoani i le Au Paia ia sili atu le ola-tutoatasi ia latou tupe, na faatuina e Iosefa Samita ma isi taitai o le Ekalesia se kamupani e taitutusa ma se faletupe ma faaigoa o le Kirtland Safety Society. Ona o le faateleina o le pau o mea tautupe i lena taimi, na tele faletupe na le manuia i le lunaite Setete atoa. Na pau foi le Kirtland Safety Society i le tautoulu o le 1837. E lua selau na faagalueina tupe i le faletupe na maumau toetiiti lava o tupe uma, faatasi ai ma Iosefa Samita na sili ona tele le gau. E ui lava o le Kirtland Safety Society e lei faatupeina e le Ekalesia, o nisi o le Au Paia na mafaufau o le faletupe a le Ekalesia po o le faletupe a le Perofeta ma na tuuaia Iosefa Samita mo a latou faafitauli tautupe. O nisi na amata ona faaigoaina o ia o se perofeta pau. Ae ui i le le manuia o le faletupe, e toatele isi na maumau tupe na faaauau pea i le faatuatua ma tumau faamaoni i le Perofeta.

O se agaga o le liliuese ma le saili masei na amata ona salalau atu i le toatele o le Au Paia. Ia luni o le 1838, e atoa lava le 200 pe 300 na liliuese ma tuua le Ekalesia, e aofia ai Aposetolo e toafa, o Molimau e Toatolu o le Tusi a Mamona, ma se tasi o le Au Peresitene Sili. Ae ui i lea, o le toatele o le Au Paia na tali atu i lena vaiata o le suega ma le faatuatua, e pei ona faia e Polika laga. Na faamalosia i latou e le Alii, ma na latou tumau faamaoni ia latou molimau. O ni nai tagata na tuua le Ekalesia i lena vaiata o le liliuese na mulimuli ane toe foi mai ma talosagaina ia toe faatasia ma le Ekalesia a le Alii. Faatasi ai ma i latou na i ai Oliva Kaotui, Matini Harisi, Luke Johnson, ma Frederick G. Williams.

I le totonugalemu o nei tauviga i Katelani, na saili ai ni nai tagata liliuese e fasioti Iosefa Samita. I le lapataia e le Agaga, na la malaga ese ai ma Sini Rikitone i le po o Ianuari 12, 1838. Na faaauau ona tuliloaina i laua e o la fili moni mo ni nai aso, ae na puipuia i laua e le Alii. Na la taunuu mai ma o la aiga i Sisifo Mamao, i Misuri, ia Mati 14, 1838.

Talanoaina nei fesili o se vaega:

- O a mataupu faavae e mafai ona tatou aoaoina mai i nei mea na tutupu e uiga i le auala e tali atu ai i le faafeagai i o tatou olaga? O a mea e mafai ona tatou aoaoina mai i nei mea na tutupu e uiga i le auala e tali atu ai i le faafeagai agai i le Ekalesia?
- O le a se mea e mafai ona tatou faia e tumau ai i le faamaoni i taitai o le Ekalesia e ui lava e mafai ona tatou faalogo i isi tagata o faitioina i latou?
- O a auala ua faamanuaina ai oe ona sa e mulimuli i le perofeta?

Faigata i Misuri i Matu: Aoao ia Onosaia Lelei ia Mea Faafeagai

I le 1837 ma le 1838, o nisi o tagata o le Ekalesia ua le faaoga-ina ma tape igoa na nonofo faatasi ma le Au Paia i Sisifo Manao na amata ona molia le Ekalesia ma ona taitai i le tulafono ma faatupu faalavelave ai i le Ekalesia. Ia luni 1838, na lauga malosi atu ai Sini Rikitone i se lauga lea na taua o le “Lauga Masima.” Na ia taua le Mataio 5:13 ma faapea afai e mai le masima, e le toe aoga lava ma ua tatau ona lafo i fafo, e faatatau ia i latou ua tuua le Ekalesia ua tatau ona lafo i fafo mai le Au Paia. I le lua vaiaso mulimuli ane, ia Iulai 4, na tuuina atu ai e Sini Rikitone se lauga lea na ia folafola atu ai i le Au Paia o le a latou puipuia i latou lava e tusa lava pe oo mai se “taua o le fasiotiga.” E ui lava o nei lauga na foliga mai e feteenai ma faatonuga a le Alii ia “aioi atu mo le filemu” (MF&F 105:38), o lauga uma e lua na faasalalauina ma na faatupuina ai se vevesi i tagata le lolotu.

I lena taimi, o se tagata liliu mai e igoa ia Sampson Avard na faia ni tautoga faalilolilo ma i latou e mafai ona auai ma ia i le faiga o se au gaoi na taua o Tanite. Na faatonuina e Avard i latou e talepe ma gaoi mai tagata o Misuri, ma faapea o lena mea o le a fesoasoani e fausia ai le malo o le Atua. Na faatalitonu e Avard ana uo o ana faatonuga na sau mai le Au Peresitene Sili. Na iloina mulimuli ane le meamoni, ma na tapeina le igoa o Avard. O faatinoga a Avard na tulai mai ai ni tulaga matuia i le vaaiga i le Ekalesia ma na taitai atu ai i le taofia o le Perofeta i le Falepuipui o Lipereti.

Ia Oketopa o le 1838, o se taua i le va o nisi tagata o le Ekalesia ma militeri a Misuri na tuua ai ni nai tagata feoti i itu uma. O lipoti na sese le faateleina o le taua na oo atu ia Kovana Lilburn W. Boggs, le kovana o le setete o Misuri, lea na tuuina atu se faatonuga na lauiloa o le faatonuga o le fasiotiga: “O Mamona e tatau ona faia oni fili ma e tatau ona fasiotia pe tulia ese mai le setete, afai e mafai mo le lelei o tagata lautele” (upusii i *History of the Church*, 3:175). Na vave lava, ona siomia le aai o Sisifo Mamao e le militeli lea na faalima le toatele atu ai nai lo le autau a le Au Paia. O Iosefa Samita ma isi taitai o le Ekalesia na taofia i le Falepuipui i Lipereti, lea na latou i ai i le taumalulu atoa lava. O le vaega o totoe o le Au Paia na faamalosia e tuua le setete.

Talanoaina nei fesili o se vaega:

- O a mataupu faavae e mafai ona tatou aoao mai nei mea na tutupu e fesoasoani ai ia i tatou ia sili atu ona onosaia o mea faafeagai?
- Aisea e taua ai mo i tatou taitoatasi ona mulimuli i le faaitaiga a le Faola i taimi o faigata po o faafeagai? O le a le mea na tupu i Misuri i matu ona e lei faia e le Au Paia lena mea?
- O anafea na e vaai ai i upu po o faatinoga a se isi tagata ua faatosina ai se isi ia maua se vaaiga lelei i le Ekalesia?

